

Scéalta Spóirt an Lae

Ceist 1 Beidh tú ag féachaint ar ball ar scéalta spóirt an lae. Sula bhféachann tú ar an mír, an féidir leat féin agus an duine in aice leat plé a dhéanamh ar aon scéal reatha spóirt atá ar eolas agaibh?

Ceist 2 Ceangail na focail Ghaeilge leis na focail Bhéarla.

- | | |
|------------------------------|--|
| 1. sách aclaí | a. <i>they won (they seized the day)</i> |
| 2. gualainn | b. <i>ready</i> |
| 3. tagtha chuige féin | c. <i>fit enough</i> |
| 4. faoi réir | d. <i>succeeded</i> |
| 5. a fuair an ceann is fearr | e. <i>supporters</i> |
| 6. muineál | f. <i>shoulder</i> |
| 7. an tairiscint | g. <i>recovered</i> |
| 8. lucht leanúna | h. <i>that got the better of</i> |
| 9. d'éirigh le | i. <i>well-known</i> |
| 10. thug siad an lá leo | j. <i>the offer</i> |
| 11. iomráiteach | k. <i>neck</i> |

1	2	3	4	5	6	7	8	9	10	11

Anois, féach ar an tuairisc den chéad uair le feiceáil an féidir leat na focail sin a aithint sa mhír nuachta.

Ceist 3 (A) Féach ar an tuairisc den dara huair agus breac síos na hainmneacha a chloiseann tú faoi gach spórt:


Rugbaí	Sacar	Peil Mheiriceánach

Ceist 3 (B) Féach ar an tuairisc den tríú huair agus breac síos aon eolas eile a thugann tú leat faoi gach spórt:

Rugbaí	Sacar	Peil Mheiriceánach


Ceist 4

Luadh an dá bhall seo den chorp sa mhír – *an muineál* agus *an ghualainn*. An féidir leat féin agus an duine in aice leat na baille eile a lipéadú ar an léaráid seo? Léirígí inscne na bhfocal chomh maith. Tá sampla amháin déanta daoibh!



Ceist 5

Roghnaigh an focal ceart ón gcirocal leis na bearnaí a líonadh sa script.



Go raibh míle maith agat a Eimear. Cúrsaí rugbaí ar dtús agus ní fios go cinnte fós an mbeidh Jamie Heaslip sách _____ le dul ag imirt i gcoinne na hIodáile i gComórtas na Sé Náisiún Dé Sathairn seo chugainn. Bhí a ghualainn _____ aige ach táthar ag súil go mbeidh sé féin agus Eoin Reddan i mbun _____ amárach. Cé nach mbeidh Johnny Sexton tagtha chuige féin in am don chluiche sa Róimh faoi cheann cúig lá, meastar go mbeidh sé féin agus Cian Healy ar fáil don chluiche i gcoinne na Fraince an deireadh seachtaine ina dhiaidh sin. _____ is ea é go bhfuil Conor Murray, Luke Fitzgerald agus Dave Kearney faoi réir anois le páirt a ghlacadh i seisiún iomlán traenála.

Maidir le _____ rugbaí na Breataine Bige, thug Warren Gatland le fios inniu cé a bheas ag imirt i gcoinne Shasana i gComórtas na Sé Náisiún tráthnóna Dé hAoine. Ní raibh súil ar bith le scéala ó Gatland chomh luath seo sa tseachtain. Dhá athrú atá déanta ar an bhfoireann, a fuair an ceann is fearr ar an Afraic Theas i mí na _____. Tá George North agus Richard

Hibbard ar ais ar an bhfoireann. Ach, drochscéala do Shasana nach mbeidh David Wilson ar fáil le dul ag imirt Dé hAoine, _____ a mhúineál a bheith gortaithe. Tá Dan Cole tagtha chuige féin ó ghortú agus beidh _____ ar fáil don chluiche i gcoinne na Breataine Bige.

Ceist 6

Pléigh na ceisteanna seo leis an duine in aice leat, nó le do ghrúpa.

1. An duine aclaí tú nó an duine mór spóirt tú?
2. Cén tábhacht a bhaineann le spórt náisiúnta don tír?
3. Cad is féidir a dhéanamh faoi fhadhb na ndrugaí sa spórt proifisiúnta?

Treoracha agus Freagraí

Ceist 1

Plé atá i gceist leis an gceist seo.

Ceist 2

1	2	3	4	5	6	7	8	9	10	11
c	f	g	b	h	k	j	e	d	a	i

Ceist 3

Féach an script.

Ceist 4

an tsúil (*bain*)/ na súile

an tsrón (*bain*)

an chluas (*bain*)/na cluasa

an ceann (*fir*)

an béal (*fir*)

géag (*bain*) lámhe

an uillinn (*bain*)/
na huillinneacha

an lámh (*bain*)
na lámha


an rosta (*fir*)/
na rostaí

an cromán (*fir*)/
na cromáin

an ghlúin (*bain*)/
na glúine

an chos (*bain*)/
na cosa

an rúitín (*fir*)/
na rúitíní



Ceist 5

Go raibh míle maith agat a Eimear. Cúrsaí rugbaí ar dtús agus ní fios go cinnte fós an mbeidh Jamie Heaslip sách **aclaí** le dul ag imirt i gcoinne na hIodáile i gComórtas na Sé Náisiún Dé Sathairn seo chugainn. Bhí a ghualainn **gortaithe** aige ach táthar ag súil go mbeidh sé féin agus Eoin Reddan i mbun **traenála** amárach. Cé nach mbeidh Johnny Sexton tagtha chuige féin in am don chluiche sa Róimh faoi cheann cúig lá, meastar go mbeidh sé féin agus Cian Healy ar fáil don chluiche i gcoinne na Fraince an deireadh seachtaine ina dhiaidh sin. **Dea-scéala** is ea é go bhfuil Conor Murray, Luke Fitzgerald agus Dave Kearney faoi réir anois le páirt a ghlacadh i seisiún iomlán traenála.

Maidir le **foireann** rugbaí na Breataine Bige, thug Warren Gatland le fios inniu cé a bheas ag imirt i gcoinne Shasana i gComórtas na Sé Náisiún tráthnóna Dé hAoine. Ní raibh súil ar bith le scéala ó Gatland chomh luath seo sa tseachtain. Dhá athrú atá déanta ar an bhfoireann, a fuair an ceann is fearr ar an Afraic Theas i mí na **Samhna**. Tá George North agus Richard Hibbard ar ais ar an bhfoireann. Ach, drochscéala do Shasana nach mbeidh David Wilson ar fáil le dul ag imirt Dé hAoine, **mar gheall ar** a mhúineál a bheith gortaithe. Tá Dan Cole tagtha chuige féin ó ghortú agus beidh **seisean** ar fáil don chluiche i gcoinne na Breataine Bige.

Ceist 6

Is féidir gach grúpa a chur ag déanamh an phlé seo agus ansin na ceisteanna a phlé leis an rang iomlán.

Áine Lally

Go raibh míle maith agat a Eimear. Cúrsaí rugbaí ar dtús agus ní fios go cinnte fós an mbeidh Jamie Heaslip sách aclaí le dul ag imirt i gcoinne na hIodáile i gComórtas na Sé Náisiún Dé Sathairn seo chugainn. Bhí a ghualainn gortaithe aige ach táthar ag súil go mbeidh sé féin agus Eoin Reddan i mbun traenála amárach. Cé nach mbeidh Johnny Sexton tagtha chuige féin in am don chluiche sa Róimh faoi cheann cúig lá, meastar go mbeidh sé féin agus Cian Healy ar fáil don chluiche i gcoinne na Fraince an deireadh seachtaine ina dhiaidh sin. Dea-scéala is ea é go bhfuil Conor Murray, Luke Fitzgerald agus Dave Kearney faoi réir anois le páirt a ghlacadh i seisiún iomlán traenála.

Maidir le foireann rugbaí na Breataine Bige, thug Warren Gatland le fios inniu cé a bheas ag imirt i gcoinne Shasana i gComórtas na Sé Náisiún tráthnóna Dé hAoine. Ní raibh súil ar bith le scéala ó Gatland chomh luath seo sa tseachtain. Dhá athrú atá déanta ar an bhfoireann, a fuair an ceann is fearr ar an Afraic Theas i mí na Samhna. Tá George North agus Richard Hibbard ar ais ar an bhfoireann. Ach, drochscéala do Shasana nach mbeidh David Wilson ar fáil le dul ag imirt Dé hAoine, mar gheall ar a mhúineál a bheith gortaithe. Tá Dan Cole tagtha chuige féin ó ghortú agus beidh seisear ar fáil don chluiche i gcoinne na Breataine Bige.

Sacar anois, agus tá conradh nua cúig bliana go leith sínithe ag Harry Kane do Tottenham. Tá Wilfried Zaha ar ais arís le Crystal Palace. Níl aon scéala mór go dtí seo ann faoi imreoirí sacair a bheith á ndíol nó á gceannach agus an sprioc lena leithéid a dhéanamh buailte linn. Tá Eoin Doyle na hÉireann ceannaithe ag Cardiff City ach scrúdú leighis a dhéanamh. Chaith Doyle tréimhsí ag imirt do Shamrock Rovers agus do Sligo Rovers. D'aimsigh fear Bhaile Átha Cliath cúig chúl agus fiche do Chesterfield an séasúr seo. Cúig chéad míle punt an tairiscint atá déanta chomh maith le buntáistí eile a bheith ar fáil don imreoir.

Peil Mheiriceánach anois ar deireadh agus tá lucht leanúna na *New England Patriots* i mBostún agus ar fud na cruinne fós ag ceiliúradh tráthnóna ó bhuaigh an fhoireann an *Super Bowl* den chéad uair le deich mbliana aréir. D'éirigh leis na *Patriots* an ceann is fearr a fháil ar sheaimpíní na bliana seo caite, *The Seattle Seahawks*. Thug na *Patriots* an lá leo leis an scór 28 / 24 in Arizona aréir. An corn iomráiteach gnóthaithe arís mar sin ag na *New England Patriots*.